






Datos Do Expediente:

XUNTA DE GOBERNO LOCAL		
Unidade Tramitadora:		
Organos de Goberno e Central – MCCM		
Número expediente:	Documento:	
 GOB/2024/107	 GOB18I0164	
<div>4B48 5V0M 1A6Q 2D5U 16L5</div> 		

ACORDOS DA XUNTA DE GOBERNO LOCAL, DE DATA DOCE DE DECEMBRO DE DOUS MIL VINTE E CATRO

<p>SRES/AS ASISTENTES:</p> <p><u>SR ALCALDE ACCTAL.(PRESIDENTE):</u> DON MANUEL A. RAMOS RODRIGUEZ</p> <p><u>SRES/AS CONCELEIROS/AS:</u> TERRA GALEGA VOCAL - ROMERO FRANCO, ROMAN TERRA GALEGA VOCAL - GOMEZ CASAL, M.DEL MAR TERRA GALEGA VOCAL - AMENEIRO LOPEZ, OLGA TERRA GALEGA VOCAL - LORENZO TOJEIRO, MARIA DEL CARMEN TERRA GALEGA VOCAL - OREONA BRA, JOSE</p> <p><u>NON ASISTE:</u> ALCALDESA-PRESIDENTA - FERREIRO DIAZ, MARIAN</p> <p><u>SRA. INTERVENTORA XERAL:</u> D/DªMARIA DEL PILAR CANZOBRE MENDEZ</p> <p><u>SR. SECRETARIO XERAL:</u> D/DªALFONSO DE PRADO FERNANDEZ-CANTELI</p>	<p>Na casa do Concello de Narón, ás 11:00 do doce de decembro de dous mil vinte e catro, baixo a presidencia do alcalde acctal., DON MANUEL A.RAMOS RODRÍGUEZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.</p> <p>Actúa de secretario DON ALFONSO DE PRADO FERNANDEZ-CANTELI, o Secretario Xeral.</p> <p>Aberta a sesión de orde da presidencia adoptáronse os acordos seguintes:</p>
--	---

1.- APROBACIÓN, SE PROCEDE, DA ACTA DA SESIÓN ANTERIOR

Dada conta da acta da sesión anterior, a Xunta de Goberno Local, deulle a súa aprobación.

2 .- DAR CONTA DA APROBACIÓN DA CONTA XUSTIFICATIVA DA SUBVENCIÓN PARA O ACONDICIONAMENTO DE BEIRARRÚAS E APARCAMENTO EN AV. DO MAR (POLÍGONO ENSENADA DA GÁNDARA).-

Vista a proposta formulada que di así:

“A Xefa de Organización, en data 22/11/2024, elevou a esta Alcaldía o informe-proposta de código ASI18I013N que di:

“

TIPO DE DOCUMENTO	Informe-Proposta de Acordo de Xunta de Goberno Local
EXPEDIENTE	ASI/77/2024: Subvención para o acondicionamento de beirarrúas e aparcamento en Av. do Mar (Polígono Ensenada da Gándara)
DESTINATARIO	Alcaldía / Servizos Económicos

ASUNTO	Dar conta da aprobación da conta xustificativa
--------	--

Con data 20/11/2024 a Alcaldesa deste Concello ditou a resolución de código ASI18I012I que di:

“Con data 15/11/2024 a Xefa de Organización elevou a esta Alcaldía o informe-proposta de código ASI18I0128 que di:

“

TIPO DE DOCUMENTO	Informe-Proposta de Resolución
EXPEDIENTE	ASI/2024/77: Subvención para o acondicionamento de beirarrúas e aparcamento en Av. Do Mar (Polígono Ensenada da Gándara)
DESTINATARIO	Alcaldía / Servizos Económicos
ASUNTO	Aprobación da conta xustificativa

Por resolución da Alcaldía de data 16 de febreiro de 2024 acordouse a solicitude, á Consellería de Economía, Industria e Innovación, da subvención para o “Acondicionamento de beirarrúas e aparcamento en Av. do Mar (Polígono Ensenada da Gándara)”, por importe de 84.820,07 €. De dita resolución deuse conta á Xunta de Goberno Local na súa sesión ordinaria do 22 de febreiro de 2024.

O pasado 28 de maio de 2024 e a través do servizo de Dirección Electrónica Habilitada Única (DEHU), a Consellería de Economía e Industria, notificou a este Concello a concesión da seguinte subvención para este proxecto:

Concello: CONCELLO DE NARÓN		NIF: P1505500G	
Tipoloxía de actuación: Art. 3.1.d) Infraestruturas viarias		Parque empresarial: ENSENADA DA GANDARA	
Proxecto a desenvolver: ACONDICIONAMENTO DE BEIRARRUAS E APARCAMENTO EN AV. DO MAR			
Investimento solicitado: 106.025,09 €	Investimento subvencionable: 87.445,14 €	Subvención concedida: 69.956,11 €	% concedido: 80,00%
Investimento non subvencionable: Partidas n.º 2 (demolición pavimento), 3 (base granular), 4 (bordo), 11 (soleira beirarrúa), 12 (fresado), 14 (limpeza e barrido), 15 (rego), 16 (mestura AC-16), 17 (pintura), 18 (pintura 10 cm) e 21 (posta a cota) do orzamento na parte non xustificada adecuadamente coa documentación presentada.			

Segundo as bases que regulan a convocatoria, o órgano concedente realizará a súa achega una vez xustificadas os gastos, o que implica a aprobación da conta xustificativa.

Resultan de aplicación, para xustificar a subvención, os seguintes

FUNDAMENTOS DE DEREITO:

- Resolúcións da Alcaldía, do 22 de xuño de 2023, sobre designación de Tenentes de Alcalde, delegados da alcaldía, membros da Xunta de Goberno Local e das delegacións feitas pola Alcaldía na Xunta de Goberno Local. Nesta resolución, a Alcaldía-Presidentencia delega na Xunta de Goberno Local, entre outras facultades, a solicitude de subvencións a outras administracións públicas, así como a súa aceptación e xustificación, no seu caso.
- Lei 40/2015, de 1 de outubro, de Réxime Xurídico do Sector Público. No seu art. 10, esta lei indica que os órganos superiores poderán avocar para si o coñecemento dun asunto que corresponda resolver ordinariamente ou por delegación aos seus órganos administrativos dependentes, cando circunstancias de índole técnica, económica, social, xurídica ou territorial o fagan conveniente. [...] En todo caso, a

avocación realizárase mediante acordo motivado que deberá ser notificado aos interesados no procedemento.

Neste caso, corresponde á Alcaldesa-Presidenta a avocación da delegación de xustificación de subvención na Xunta de Goberno Local, debido á imposibilidade de tramitar a correspondente proposta nunha sesión ordinaria a tempo de que expire o prazo outorgado na convocatoria para xustificar a mesma, sen prexuízo de dar conta á Xunta de Goberno Local de dita xustificación e do acto de avocación.

Polo anteriormente exposto quen subscribe eleva á Alcaldía a seguinte

PROPOSTA DE RESOLUCIÓN:

PRIMEIRO: Avocar, da Xunta de Goberno Local, a facultade de xustificación de subvención da convocatoria de referencia, polos motivos expostos nos fundamentos de dereito e dando conta a ese órgano do adoptado neste acordo.

SEGUNDO: Aprobar a conta xustificativa da subvención para o acondicionamento de beirarrúas e aparcamento en Av. do Mar (Polígono Ensenada da Gándara), nos seguintes termos:

“

1. Cumpríuse a finalidade para a que foi concedida a subvención.
2. Os gastos totais soportados por esta entidade imputable á actuación subvencionada son os que se relacionan a continuación:

Acredor	Concepto	Nº factura	Importe	Data emisión	Data recoñecemento obriga
CTNES. GONZÁLEZ Y GONZÁLEZ, S.L.	Certificación nº 1 obra “Mellora de beirarrúas e aparcamento en Av. do Mar (Pol. Ensenada da Gándara)”.	FE24 37	59.841,78 €	07/11/2024	14/11/2024
CTNES. GONZÁLEZ Y GONZÁLEZ, S.L.	Certificación nº 2 obra “Mellora de beirarrúas e aparcamento en Av. do Mar (Pol. Ensenada da Gándara)”.	FE24 39	43.008,22 €	12/11/2024	14/11/2024

”Logo do traslado da proposta aos Servizos Económicos do Concello, estes tomaron razón segundo o documento adxunto de código ICO18I00ET.

Polo anteriormente exposto e en uso das atribucións conferidas, esta Alcaldía

R E S O L V E :

PRIMEIRO: Aprobar a proposta transcrita en todos os seus termos.

SEGUNDO: Dar conta desta resolución aos Servizos Económicos do Concello.

“En cumprimento do punto primeiro da proposta de resolución aprobada, no tocante ás facultades avocadas, quen subscribe solicita á Alcaldía-Presidentencia:

Dar conta á Xunta de Goberno Local da adopción da resolución transcrita.

“

Visto dito informe e logo da toma de razón da Intervención deste Concello, segundo o documento adxunto de código ICO18I00G4, esta Alcaldesa:

Da conta á Xunta de Goberno Local da antedita resolución.

A Xunta de Goberno Local, deuse por enterada.

3 .- PROPOSTA DE APROBACIÓN DO PADRÓN FISCAL DAS TAXAS POLA UTILIZACIÓN DAS INSTALACIÓNS DEPORTIVAS DO MES DE DECEMBRO DE 2024 E DAS LIQUIDACIÓNS TRIBUTARIAS COMPLEMENTARIAS DOS MESES DE SETEMBRO A NOVIEMBRE DE 2024 .-

(...)

PRIMEIRO: Aprobar o padrón fiscal das taxas pola utilización das instalacións deportivas, do mes de decembro de 2024, por importe de **7.564,80 € e 45 recibos.**

SEGUNDO: Aprobar as liquidacións tributarias complementarias das taxas pola utilización das instalacións deportivas, do mes de novembro de 2024, por importe de **1.850,40 € e 23 recibos.**

TERCEIRO: Aprobar as liquidacións tributarias complementarias das taxas pola utilización das instalacións deportivas, dos meses de setembro, outubro e novembro de 2024, por importe de **36,00 € e 3 recibos.**

CUARTO: Os padróns quedarán expostos ao público no Concello durante o prazo de 15 días, a contar desde o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

QUINTO: Durante o período de exposición pública, contra as liquidacións incorporadas aos padróns, todos os interesados poderán interpoñer as reclamacións ou alegacións que consideren pertinentes.

SEXTO: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Legislativo 2/2004, do 5 de marzo, polo que se aproba o texto refundido da Lei Reguladora das Facendas Locais, no prazo DUN MES contado desde o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-Administrativo de Ferrol, recurso contencioso-administrativo, no PRAZO DE DOUS MESES contados desde o día seguinte ao da notificación da devandita resolución. De non recaer resolución no PRAZO DUN MES a contar desde o día seguinte ó da presentación do recurso de reposición, en virtude do disposto no artigo 14.2 do Texto Refundido da Lei das Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Non obstante, si se considera convinte, poderán utilizar e exercer calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

4 .- PROPOSTA DE APROBACIÓN DO PADRÓN FISCAL DAS TAXAS POLOS CURSOS E ACTIVIDADES NAS INSTALACIÓNS DEPORTIVAS DO MES DE DECEMBRO DE 2024 .-

(...)

PRIMEIRO: Aprobar o padrón fiscal das taxas pola inscrición nos cursos e actividades das instalacións deportivas do mes de decembro de 2024, cun importe de 31.326,02 € e 1.588 contribuíntes.

SEGUNDO: O padrón quedará exposto ao público no Concello durante o prazo de 15 días, a contar desde o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

TERCEIRO: Durante o período de exposición pública, contra as liquidacións incorporadas ao padrón, todos os interesados poderán interpoñer as reclamacións ou alegacións que consideren pertinentes.

CUARTO: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, no prazo DUN MES contado desde o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-Administrativo de Ferrol, recurso contencioso-administrativo, no PRAZO DE DOUS MESES contados desde o día seguinte ao da notificación da devandita resolución. De non recaer resolución no PRAZO DUN MES a contar desde o día seguinte ó da presentación do recurso de reposición, en virtude do disposto no artigo 14.2 do Texto Refundido da Lei das Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Non obstante, si se considera convinte, poderán utilizar e exercer calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

5 .- PROPOSTA DE APROBACIÓN DO PADRÓN FISCAL DAS TAXAS POLOS SERVIZOS PRESTADOS NAS ESCOLAS INFANTIS MUNICIPAIS DO MES DE DECEMBRO DE 2024 .-

(...)

Primeiro: Aprobar o padrón fiscal das taxas polos servizos prestados nas Escolas Infantís Municipais, do mes de decembro de 2024, cun total de 214 contribuíntes e por importe de 6.974,18 €.

Segundo: O padrón quedará exposto ao público no Concello durante o prazo de 15 DIAS, a contar dende o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

Terceiro: Durante o período de exposición pública, contra as liquidacións incorporadas ao padrón, todos os interesados poderán interpoñer as reclamacións ou alegacións que consideren pertinentes.

Cuarto: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei reguladora das Facendas Locais, no prazo DUN MES contado dende o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-administrativo de Ferrol, recurso contencioso-administrativo, no PRAZO DE DOUS MESES contados dende o día



seguinte ao da notificación da devandita resolución. De non recaer resolución no PRAZO DUN MES, a contar dende o día seguinte ao da presentación do recurso de reposición, en virtude do disposto no artigo 14.2 do Texto Refundido da Lei de Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Con todo, se se considera convinte, poderán utilizar e exercer calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

6.- ROGOS E PREGUNTAS

Non se formularon.

V. e pr.

F_FIRMA_96

F_FIRMA_4